

續修四庫全書



《續修四庫全書》編纂委員會編

續修四庫全書

上海古籍出版社

一二三・五・子部・類書類

三才圖會一百六卷（人事卷三至草木卷二）〔明〕王圻 王思義輯

.....一

三才圖會四

〔明〕

王思圻
義輯

據上海圖書館藏明萬曆三
十五年刻本影印原書版框高
二〇七毫米寬二七六毫米

古虞朱瑨山先生著

群書札記

茹芝先生題



光緒四辛丑林
竹簾齋重刊本

群書札記 序

先生所著十三經札記梅既為序又讀其羣書札記十六卷而益歎先生之學淹通博貫凡子史百家釋官小說及漢晉唐宋以來名人文集苟有一字之疑一言之誤皆未嘗輕而略之必為之疏通證明以羽翼夫經傳也夫國語為春秋外傳左氏未載之事幸於國語存之國策為孟子時書不讀國策不知孟子之苦心周書載見漢志實非汲冢古文不得以隋志誤題而疑其偽大戴雖小戴刪削之餘大皆七十子遺言漢儒棄取豈為定論尚書大傳存今文近說詩外傳即三家古訓山海經列女傳吳越春秋皆秦漢前之舊史說文方言廣雅誦求字詁尤為專家吾儒陟

力於經書是以資考證者也司馬公作史記志表紀傳體例悉取法帝繫世本而為之班范兩書承先代而二十四史代有作者不能踰越範圍則史學悉根于經學如諸子在周秦以前如管荀莊墨志旨多殊漢晉以後如淮南抱朴文辭古茂不善談者或據其所見之偏而不知古籍僅存

庫書札記

一

惟此吉光片羽往往有久佚之書猶幸存於諸子中引見一二者則諸子實足以佐經也漢魏六朝初賦有專集者寥寥數家昭明選錄棄如瓦礫唐人孫巨源得古文苑於佛寺經龕宋人章樞為之注明人張溥又編輯百三名家集而六朝以前文字散見各史傳及初學記藝文類聚太平御

庫書札記

三

覽各類書者幾于抄采靡遺至若唐之李杜宋之歐蘇則又本集俱存如日月之光彪炳耳目此皆由經籍而發為文章者如說部之書載見漢志者雖已無存而平政以西京雜記風俗通義世說新語崔氏古今注顏氏家訓等書為紀所聞為書所見至唐而資暇錄國史補酉陽雜俎尚書攷實柳氏舊聞封氏聞見記等書悉稱賅博至宋而西谿叢語空齋隨筆野客叢書夢溪筆談石林燕語瑣牘間評學齋佔畢演繁露等書群抒辨論元明以來如陶九成輟耕錄楊升庵丹鉛錄許書尤指不勝計通人哀集大成於是有業書之刻耳例如于陶氏說郛而陸氏說海高氏稗海李

民函海陳氏寶額堂秘笈祁氏淡生
堂餘苑吳氏古今逸史毛氏津逮祕
書程氏何氏王氏並有漢魏叢書踵
而增之使讀者如入珠林如登寶市
又皆證經攷史悉備取資者也我
朝諸老先生於治經之餘兼精史學
者莫如萬季野歷代史表齊次風歷代
帝王年表李中者歷代地理志韻編

羣書札記

序

四

及錢竹汀廿二史札記洪北江補三
國晉書地志等書而精核於子百
家及說部者其者又莫如畢秋帆孫
淵如盧召弓顧千里諸先生近所流
傳如經訓堂問經堂抱經堂平津館
岱南閣守山閣各叢書較諸前明所
刊尤稱精核近日古經解彙函刻於
粵東百子刻於湖北二十四子刻於

本省往往采自私家用為座本若云
專門之學則精國語者莫如汪氏之
蕨正攷異三君注精文選者莫如梁
氏之旁證以至仇氏之杜詩查氏之
蘇詩亦並能薈萃羣言以津梁後
學者先生此書復於前人所未言者
擇其善而錄之并於前人所未言者
剔其隱而彰之其有功於吾學也亦

羣書札記

序

五

矣斐源江氏卦爻攷先生於此兄弟
七卷全錄其文梅澹玉此蓋心折先
生學易之功尤能寔事求是而不為
近說之所動夫卦爻之說始自荀虞
於易例未能盡一其推求六十四卦
或謂自乾坤來或謂自六子來或謂
自十辟來或又謂上下相加以損益
上下剛柔相感如小畜履兩象易如

豐旅豫比兩爻齊如遜先生訟次生中孚使學者審然莫知所從已多力辯其誣而決為先聖必無此說江氏獨主反對之義為千古發蒙由泰否二象小往大來大往小來豁於貫悟以合六十四卦象辭觸處皆通固不迎刃而解此誠學易之士不可不知之第一義也而近日經生未嘗據此

羣書札記

序

六

義以說易者蓋其故有三一由於江氏之書名曰河海精蘊學者以河海二字久遭批擊故一見此書即不復展而閱之而不問其所論之是非再由於麻衣道者正易心法亦以反對為義學者知麻衣之書為宋人戴師愈偽造凡說之近於麻衣者遂皆屏棄而不言又由於近人焦里堂作易

圖畧既辨爻卦之誤并以反對為比駁解反為蹇曰象辭利西南西南坤也解無坤蹇大無坤所謂西南者安在又駁萃反為升曰象辭柔以時升坤晦於上所謂冥升矣安得為時又駁豫反為謙曰坤居上五失位以三先五為災為傷所謂卑而踰矣何亨之有學者多信從之竊謂坤為西南

羣書札記

序

七

雖見說卦傳文而蹇解之利西南或未必即取此義若未濟三陽皆失位此說出於程桶之徒乃本荀虞六爻皆正成既濟之說而周孔未有明文則坤雖反而居上未可以凶概之蓋焦氏欲引伸苟通時常位失道之義以自成一說故耳駁卦爻則出於自然而其駁反對即不無勉強耳且

據周易義海撮要所載辟溫其說及
俞玉吾大易集說知宋人以反對說
易殊不乏人而先生復據漢書五行
志引京房易傳曰復崩來無咎明艮
山變為震雷崩字確有義則反對
之說自漢而已有之矣孔子序卦既
以反對為次而雜卦傳文又多從反
對生訓是孔子已以反對為易中應

序

有之義而表而白之江氏由此會通
則河洛之命名雖悞而反對之義固
不誤麻衣之心法雖偽而反對之說
實未嘗偽也先生采此說而存之知
先生於漢宋之間固不欲稍分畛域
第知擇其善者遵而從之耳豈隨聲
附和以漁獵博雅之名哉向於治經
之際見先生人品之高乃於此而愈

信抑考江氏所著羣經補義亦於易
之反對大有發明阮文達公刻
皇清經解一書取其羣經補義而不
取其河洛精蘊殆亦謂河洛之名可
不必存而反對之義實不可廢歟
則江氏之知己惟阮公與先生而已
光緒四年歲在戊寅六月望日慈谿
馮一梅識於武林西湖之詒經精舍

序

羣書札記卷之一目錄

共和	稷爲大官	伯御
回祿	夷羊	臨民以五
舌人	七律	黃鐘
夷則上宮	鼙於何有	知也夫
山死	君武公	比而亡夏
速縣	伯氏不出	好艾
蓐收	君實有郡縣	佞田
平云	青陽	咫聞
觸槐	董祁	天啟之心
虞幕	褒姒	天咫
司敗	尙勝	魯陽文子
奚斯	不稔於歲	遷軍接餼
行人奚斯	相進	賈島佛
衆口鑠金	以上	失齋
鐵鉗	負婦人	韓獻開罪
今日不雨	烏集闕	黔羸
司馬法	貌寢	驪姬

羣書札記卷之一目錄

一

羣書札記

卷之十目錄

二

大費	王女	周子南君
皆各往往	肝人之肉	烏號
烏工龍工	周公奔楚	當補魯世家說
以貌取人	乾沒	緞石
誅全甲	采恩災	馬牛羊齒已長
團焦		

羣書札記卷之一

古虞朱亦棟原名學

及門諸子校

共和

韋昭國語注疑之亂公卿相與和而修政事號曰共和
宗庠補音按舊說汲冢書共音恭共伯名和然韋氏自
依史記周紀為注則共當如字考竹書紀年厲王十三
年王在範共伯和攝行天子事號曰共和二十六年大
旱王陟于皐周定公召穆公立太子靖為王共伯和
歸其國遂大雨此其事也史周本紀召公周公二相行
羣書札記 卷之一
政號曰共和按書云同寅協恭和衷哉則兩共和皆可
作平聲讀也

稷為大官

周語夫民之大事在農上帝之棄盛于是乎出民之蕃
庶于是乎生是故稷為大官韋注民之大事在農故稷
之職為大官按尚書孔傳國語云稷為天官豈大官即
天官之誤耶又毛詩傳云后稷後作司馬尚書刑德考
亦云稷為司馬

伯御

周語魯武公以括與戲見王王立戲韋注武公伯禽之元孫
獻公之子武公敖也括武公長子伯御也戲括弟懿公
也宋庠補音案韋注括武公長子伯御也今考史記魯
世家宣王立戲為魯太子戲章為懿公九年懿公兄括
之子伯御與魯人攻殺懿公而自立則伯御乃括之子
明矣又按班固人物表伯御懿公兄子與史記合今以
括為伯御疑失之案下云魯侯歸而卒魯人殺懿公而
立伯御是立長也韋不從史記蓋亦別有所見也

同祿

羣書札記 卷之一
周語昔夏之典也融降于崇山其亡也同祿信于聆隧
韋注崇嵩高山也夏居陽城嵩高所近同祿火神再宿
為信聆隧地名考史記楚世家重黎為帝嚳高辛居火
正甚有功能光融天下帝嚳命曰祝融其弟吳回為重
黎後復為祝融居火正吳回生陸終是則同吳回也祿
或即陸終耳左昭十八年禳火於元冥同祿杜注元冥
水神同祿火神孔疏元冥祭修熙不知同祿祭何人或
云同祿即吳回也融降崇山事無所見考墨子非攻篇
夏德大亂天命融降原作降火於夏之城間西北之隅

疑卽同祿信于聆臆之事也沈約竹書紀年注祝融之神降于崇山乃受舜禪卽天子之位

夷羊

周語商之興也檣杙次于丕山沈約竹書附注檣杙之神見于邳山其亡也夷羊在牧韋注夷羊神獸案逸周書度邑解夷羊在牧蜚鴻

遍野史周本紀作麋鹿蜚鴻滿野徐廣曰此事出周書及隨巢子云夷羊在牧牧郊也夷羊怪物也索隱注

蜚鴻云案高誘曰蜚鴻蟻蠊也言飛蟲蔽田滿野故爲災非是鴻雁也隨巢子作飛拾飛拾蟲也然竟不知夷

羣書札記 卷之一

辛爲何物也

臨民以五

周語昔堯臨民以五今其胥見不過五年韋注五年一巡守胥後也爲丹朱之神案王肅家語序春秋外傳曰昔堯臨民以五說者曰堯五載一巡守五載一巡守不得稱臨民以五經曰五載一巡狩此乃說舜之文則堯之巡狩年數未明周十二月一巡寧可言周臨民以十二乎孔子曰堯以土德王天下而色尚黃黃土德五土之數故曰臨民以五此其義也二說未知孰是

舌人

周語惟夫戎翟則有體薦故坐于門外而使舌人體委與之韋注舌人能達異方之志象胥之官也按此則今之通事舌人二字甚新張平子東京賦重舌之人九譯僉稽首而來王薛綜注重舌謂曉夷狄語者九譯九度譯言始至中國者也許氏說文譯傳四方之語者

七律

韋昭注意謂七律爲音器用黃鐘爲宮太簇爲商姑洗爲角林鐘爲徵南呂爲羽應鐘爲變宮蕤賓爲變徵案

羣書札記 卷之一

四

韋氏之說卽晉書歷志所云宮生徵徵生商商生羽羽生角角生應鐘不比正音故爲和應鐘生蕤賓不比正音故爲謬者是也此七律也考呂氏春秋音律篇黃鐘生林鐘林鐘生太簇太簇生南呂南呂生姑洗姑洗生應鐘應鐘生蕤賓蕤賓生大呂大呂生夷則夷則生夾鐘生無射生仲呂三分所生益之一分以上生三分所生去其一分以下生黃鐘大呂太簇夾鐘姑洗仲呂蕤賓爲上林鐘夷則南呂無射應鐘爲下高注律呂相生上者上生下者下

疑誤附十二律圖

中呂變徵姑洗五夾鐘太簇商大呂變宮黃鐘宮

蕤賓七按此圖自下而上自黃鐘至蕤賓為上七調

應鐘清十無射清十南呂清夷則九林鐘清

毛西河竟山樂錄云十二律配七律自呂覽始然所配

恰合其以七調列上層謂之上以五調列下層為之下

上為正調下為清調上之生下下之生上與三分損益

隔八相生之數俱甚相符間嘗究推之以黃鐘大呂太

簇夾鐘姑洗中呂蕤賓七律列上層者正七調也一黃

鐘為宮二大呂變宮三太簇為商四夾鐘為角五姑洗

羣書札記卷之一五

為徵六仲呂為變徵七蕤賓為羽為七調其餘五聲列

下層不立調為七調之清聲一林鐘為宮清列黃鐘二

夷則為變宮清列大呂三南呂為商清列太簇四無射

為角清列夾鐘五應鐘為徵清列姑洗共五清而仲呂

變徵與蕤賓羽皆高而無清而十二律終焉以此相生

則上生下皆隔八而生清下生上皆隔八而生正無所

參變以此旋宮則自黃鐘蕤賓自大呂至林鐘凡七周而

仍返之黃鐘之始無少間斷此真三古相傳之遺法而

西京以還徒知史遷京房二學而不明呂覽其辰也芹

按以陰陽論則律生呂為下生為陽生陰呂生律為上

生為陰生陽此顯而易知者也而以七五分律列論則

不特黃鐘之生林鐘太簇之生南呂姑洗之生應鐘為

下生即大呂之生夷則夾鐘之生無射亦下生也不特

林鐘之生太簇南呂之生姑洗應鐘之生蕤賓為上生

即夷則之生夾鐘無射之生仲呂亦上生也此微而難

明者也考伶州鳩曰南北之撥七同也故以七同其數

而以律和其聲於是乎有七律韋注七同合七律也癸

度也歲在鶉火午辰星在天龍子鶉火周分野天龍及

羣書札記卷之一六

辰水星周所出自午至于其度七同也則自黃鐘至蕤

賓為七律西河之說信矣或謂蕤賓不當為止當在林

鐘之首此仍是陰陽對待之法非呂氏意也

黃鐘

韋昭國語注云十一月日黃鐘乾初九也正月日太簇

乾九二也三月日姑洗乾九三也五月日蕤賓乾九四

也七月日夷則乾九五也九月日無射乾上九也十二

月日大呂坤六四也二月日夾鐘坤六五也四月日仲

呂坤上六也六月日林鐘坤初六也八月日南呂坤六

二也十月日應鍾坤六三也考鄭氏周易爻辰圖子乾初九律中黃鐘丑坤六四律中大呂寅乾九二律中太簇卯坤六五律中夾鐘辰乾九三律中姑洗巳坤上六律中仲呂午乾九四律中蕤賓未坤初六律中林鐘申乾九五律中夷則酉坤六二律中南呂戌乾上九律中無射亥坤六三律中應鐘與國語所說正同周易乾鑿度曰乾陽坤陰也並治而交錯行乾貞於十一月子左行陽時六坤貞於六月未右行陰時六以奉順成其歲鄭注云貞正也初爻以此爲正大爻左右者各從此數之又曰陽卦以其辰爲貞羣書札記 卷之一 七

夷則上宮

周語王以二月癸亥夜陳未畢而雨以夷則之上宮畢之王以黃鐘之下宮布戎於牧之野以太簇之下宮布令於商以無射之上宮布憲施舍于百姓韋注上宮以夷則爲宮聲夷則上宮也一日陽氣在上故曰上宮黃

鐘在下故曰下宮太簇在下故曰下宮無射在上故曰上宮案七月律中夷則其卦爲否三陽在上故曰上宮正月律中太簇其卦爲泰三陽在下故曰下宮十一月律中黃鐘其卦爲復一陽在下故曰下宮九月律中無射其卦爲剝一陽在上故曰上宮則或人之說是也黃鐘爲乾初九太簇爲乾九二故曰下宮夷則爲乾九五無射爲乾上九故曰上宮一以卦位言一以爻位言二說皆通

鼃於何有

羣書札記 卷之一 八
魯語鼃於何有而使夫人怒也韋注於何有猶何禮有鼃也案吉甫詩魚鼃膾鯉韓侯詩魚鼃鮮魚則飲酒之禮固有鼃矣此與禮讓乎何有從政乎何有語意正同言何難有鼃而羞小者以使夫人怒也禮字或是難字之誤

知也夫

魯語女知莫如婦男知莫如夫韋注言處女之知不如婦童男之知不如丈夫公父氏之婦知也夫韋註知也夫者凡婦人之情愛其子欲令妻妾恩慕而已今敬美

乃反割抑欲以明德此丈夫之知故曰知也夫宋庠補
音云按此是歎美之詞夫當作扶韋氏解云此丈夫之
知恐誤案曲禮若夫坐如尸立如齊鄭注言若欲爲丈
夫也其誤與此正同

山死

魯語冥勤其官而水死稷勤百穀而山死韋注稷周棄
也勤播百穀死於黑水之山毛詩傳云案魏志杜畿傳
亦引韋注今毛詩傳無此語不知韋注何所本也

君武公

羣書札記

卷之一

九

晉語樂共子曰且君知成之從也未知其待于曲沃也
韋注君武公也言君知成將死其君爲從臣道也故使
止臣未知成不死而待君于曲沃之爲貳也按此與左
定元年子家子曰若羈也則君知其出也而未知其入
也語意正同彼君指昭公此君指哀侯上君何以訓下
從君而貳皆同韋注誤

比而亡夏

晉語史蘇曰昔夏桀伐有施有施人以妹喜女焉妹喜
有寵于是乎與伊尹比而亡夏殷辛伐有蘇有蘇氏以

姐已女焉姐已有寵于是乎與膠鬲比而亡殷周幽王

伐有褒有褒人以褒姒女焉褒姒有寵于是乎與虢石
甫比逐太子宜咎而立伯服太子出奔申申人憎人召
西戎以伐周周于是乎亡韋注比比功也伊尹欲亡夏
妹喜爲之作禍其功同也膠鬲殷賢臣自殷適周佐武
王以伐殷也案比字如字讀作比功解則下虢石父句
不可解矣此自應讀毗志反與左昭六年乃與寺人柳
比之比正同第以伊尹膠鬲爲比頗近戰國人口氣讀
者不以文害辭可耳

羣書札記

卷之一

十

速縣

晉語驪姬請使申生處曲沃以速縣虞御史云速疾也
縣縊也案此縣字當如字讀與楚莊王縣陳文王縣申
息之義同卽左閔元年士蒍所謂分之都城也二五言
之於外驪姬請之于內故公許之不得以後有新城雉
經事韋注雉經頭
於而縣死也預指申生之死立說也虞說似誤

伯氏不出

晉語伯氏不出奚齊在廟韋注賈唐皆云伯氏申生也
一云伯氏狐突也昭謂是時狐突未杜門故以伯氏爲

申生伯氏猶言長子也案後篇伯氏不出奈吾君何則伯氏亦指狐突也狐突字伯氏晉語雖有次第或不盡如史之編年耳

好艾

晉語國君好艾大夫殆好內適子殆章注艾當爲外聲相誤也好外多嬖臣也好內多嬖妾也案孟子知好色則慕少艾趙注艾美好也朱子集註楚辭戰國策所謂幼艾義與此同則艾字非聲之誤也至魯語所云好內女死之好外士死之好外亦不指嬖臣言也

羣書札記 卷之一

尊收

晉語甕公夢在廟有神人面白毛虎爪執鉞立于西阿阿西公懼而走神曰無走帝曰使晉襲子爾門公拜稽首稽也召史巖占之對曰如君之言則尊收也天之刑神也考墨子明鬼篇昔者鄭穆公一作秦當晝日中處乎廟有神入門而左鳥身素服三絕說文云絕斷刀縣也面狀正方鄭穆見之乃恐懼辟神曰無懼帝享女明德使子錫女壽十年有九使若國家蕃昌子孫茂母失鄭穆公再拜稽首曰敢問神明曰予爲句芒案尊收主刑殺句芒

主福德二事真的對也海外西經西方蓐收左耳有蛇乘兩龍金神也東方句芒鳥身人面乘兩龍木神也

君實有郡縣

晉語亡人何國之與有君實有郡縣章注言君亦自有郡縣非謂之無也案此連上句看以晉比秦之郡縣猶左傳所謂夷於九縣也下文且入河外列城五豈謂君無有句乃作此解耳

佞田

晉語佞之見佞果喪其田詐之見詐果喪其賂案左襄羣書札記 卷之一 三十年天王殺其弟佞夫公羊作年夫則古佞字亦與年同音也古真韻通庚青蒸真又通先如陳氏之爲田氏鎮星之爲填星王道平平之爲便便皆是也

乎云

晉語穆公曰若無天乎云若有天吾必勝之章注云言也晉所行若言無有天也案此乎字作鳥字解謂若無天道尚何言也若有天道則我必勝之耳

青陽

晉語黃帝之子二十五人其同姓者二人而已惟青陽